



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱՐԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1518053
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

26 դեկտեմբերի 2022թ.

Բ. Երևան
(կազմման վայրը)

Ակտի հասցեատեր

«Զեյթուն սվիթ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	0	1	0	5	9	8	7
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ՀՀ, Բ. Երևան, Շրջանցիկ թունել 10/5

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 15.11.2022թ. թիվ 1518053/2 որոշման համաձայն «Զեյթուն սվիթ» ՍՊԸ -ի (այսուհետ նաև՝ Ընկերություն) նկատմամբ իրականացվել են օպերատիվ - հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 22.11.2022 թ. ժամը 18:50-ին «Զեյթուն սվիթ» ՍՊԸ ընկերության տարբերանշանով «ԻՍՈՒՂՈՒ» մակնիշի 333 LL 37 հաշվառման համարանիշի բեռնատար մեքենայով ք.Իջևան, Բլրույան փողոց, 87/72 հասցեում գործող Ա/Ձ Արմինե Մանուչարյանի (ՀՎՀՀ՝ 70930724) մանրածախ խանութ է մատակարարվել «Զեյթուն սվիթ» ՍՊԸ ընկերության արտադրանք հանդիսացող 1 մեծ տուփ կրոասան, գինը 2340 ՀՀ դրամ, 1 տուփ կտրտած տորթ մեղրով ասորտի, գինը 1300 ՀՀ դրամ, 3 տուփ անուշահաց/պրյանիկ/ 1 տուփի գինը 310 ՀՀ դրամ, 3 տուփ օղաբլիթ 1 տուփի գինը 330 ՀՀ դրամ, 2 տուփ կրոասան /300գ/ 1 տուփի գինը 600 ՀՀ դրամ և 1 տուփ օղաբլիթ/բուբլիկ 300գ/, գինը 450 ՀՀ դրամ: Ընդամենը մատակարարված ապրանքների արժեքը կազմել է 7210 ՀՀ դրամ, որի դիմաց Արմինե Մանուչարյանի կողմից 7200 ՀՀ դրամը կանխիկ վճարվել է առաքիչ Վարդան Արդամանյանին:

Իրականացված օպերատիվ-հետախուզական միջոցառումների արդյունքում պարզվել է, որ վերը նշված մատակարարման մասով Ընկերության կողմից ուշացումով՝ ժամը 19:09-ին, ապրանքի մատակարարման ավարտից հետո դուրս է գրվել թիվ Ա6279304630 հարկային հաշիվը, համաձայն որի մատակարարված ավագի արժեքը կազմել է 5330 ՀՀ դրամ:

Ընդհանուր առմամբ 22.11.2022թ. ժամը 18:50-ի սահմաններում «ԶԵՅԹՈՒՆ ՍՎԻԹ» ՍՊ ընկերության կողմից առանց համապատասխան բեռն ուղեկցող փաստաթղթերի մատակարարվել է 7210 ՀՀ դրամ ընդհանուր արժեքով ապրանքներ:

Թիվ 1518053 արձանագրությամբ 23.11.2022թ. հարուցվել է վարչական վարույթ: Կողմը, «Վարչարարության հիմունքների և վարչական վարույթի մասին» ՀՀ օրենքի 29.1-րդ հոդվածի համաձայն պատշաճ ծանուցված լինելով, չի ներկայացել 26.12.2022թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ընկերության կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 2 միլիոն դրամից:

Տվյալ դեպքում Ընկերության կողմից խախտումը վերջին 1 տարվա ընթացքում կատարվել է երկրորդ անգամ (ՀՀ ՊԵԿ իրավաբանական վարչության 29.12.2021թ-ի թիվ 1514818 վարչական ակտ): Ապրանքների ընդհանուր գումարը կազմում է 7210 ՀՀ դրամ, որի 100 տոկոսը կազմում է 3605 ՀՀ դրամ, ուստի օրենսդրական պահանջից ելնելով Ընկերության նկատմամբ կիրառելի է 2 000 000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և «Զեյթուն սվիթ» ՍՊԸ -ին գանձման առաջադրել 2 000 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	2 000 000	պետական բյուջե	900008000490

2.Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն Խաչիկ Ահարոնյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաշվով առաքման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)